



Број: 14-05/5-48-2048/10
Датум: 16.02.2010. године

IZVJEŠTAJ ZA MEDIJE

Policijski službenici pronašli i oduzeli oko pola kilograma droge - "Exstasy"

Nastavljajući ranije započete aktivnosti na provođenju policijske akcije pod kodnim nazivom "Mreža 2010", koju provode policijske agencije MUP-a RS-a i Policije Brčko distrikta BiH, policijski službenici Policije Brčko distrikta BiH su dana 15.02.2010. godine u Brčkom, izvršili službene radnje pretresa četiri lica i dva vozila.

U toku preduzimanja mjera i radnji izvršeni su pretresi lica sa inicijalima :

- I.P. rođen 1976. u Njemačkoj, nastanjen u Brčkom,
- T.A. rođen 1963. godine u Brčkom, nastanjen u Gunji, R. Hrvatska,
- H.L. rođen 1962. u Brčkom, nastanjen u Brčkom,
- A. J. rođena 1983 u Gradačcu, stalno nastanjena u Mionici, opština Gradačac.

Prilikom pretresa lica A. J. kod iste je pronađena i oduzeta veća količina tableta koje svojim izgledom asociraju na opojnu drogu - "Exstazi". Preliminarnim mjerenjem i vještačenjem utvrđeno je da se radi o 1936 komada tableta opojne droge " Exstazi" (težine oko pola kilograma) koja na crnom tržištu dostiže vrijednost od oko 20.000 KM.

Lice A.J. je lišena slobode i nakon provedenih svih kriminalističko-tehničkih mjera i radnji ista je u uz Izvještaj o počinjenom krivičnom djelu "Neovlaštena proizvodnja i stavljanje u promet opojnih droga" iz člana 232. Krivičnog zakona Brčko distrikta predata Tužilaštvu Brčko distrikta BiH na dalje procesuiranje.

Portparol Policije
Halid Emkić